

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiisutit

Imm. 2.1 ESDH, Angerlarsimaffeqanngitsut unnuisarfissaat, Corona, Qallunaat Nunaanniit ikiuiartortittineq, Maniitsumi Ilaqutariit Kiffartuussiviani sanaartorneq

03. Aningaasaqarnermut tunngasut

Imm. 3.1 Meeqqat ilaqutariillu immikkoortuanut immikkut aningaasanut qinnuteqaat 2021 ukiullu tulluuttut, Sisimiut.

Imm. 3.2 Sisimiuni Angerlarsimaffeqanngitsut unnuisarfiani, ammasarfiup sivitsorneqarneranit aammalu ilinniarsimasutut atorfiup aqutsisutut qaffanneqarnerata kingorna, ilinniarsimannngitsunut marlunnut sulisoqalernissamut ilassutit aningaasaliissutinik qinnuteqaat. Sisimiut.

Imm. 3.3 Innarluutillit najugaqartigiiffiini Sannaviinilu aningaasaliissutinik qinnuteqaat, Sisimiut.

04. Suliassat nalinnaasut

Imm. 4.1 Kommunimi ikiorsiinissamut aaqqiissutit pillugit pitsaassutsimut tunngavissat akuerineri

Imm. 4.2 Atugarissaarnermut ataatsimiititaliap suliffeqarfinnut 2021/2022-imi pulaartarnissaanut siunnersuut

06. Paasissutissiisutit

Imm. 6.1 2021-mi Sisimiuni innuttaasut naammagisimaarinninnerat pillugu misissuineq kiisalu suliniutit pillugit paasissutissiineq

08. Tamalaat

Imm. 8.1 Tamalaat

Ataatsimiinneq aallartippoq nal. 09:02

Peqataasut:

Inuit Ataqatigiit

Juliane Enoksen, siulittaasoq, Sisimiut
Agathe Fontain, Sisimiut

Siumut

Barnabas Larsen, Kangaamiut
Aqqalu Skifte, Maniitsoq, sinniisoq Kirstine Olsen-imut

Naleraq

Abel Enoksen, N, Sisimiut sinniisoq Paneeraq Olsen-imut

Nalunaaruteqarlutik peqataannngitsut:

Kirstine Olsen, S, siulittaasup tullia
Paneeraq Olsen, N,

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

ESDH, Angerlarsimaffeqanngitsut unnuisarfissaat, Corona, Qallunaat Nunaanniit ikiuiartortittineq,
Maniitsumi Ilaqutariit Kiffartuussiviani sanaartorneq

Qulequtat allanneqartut pisortaanermit ilisimatittissutigineqarput.

03. Aningaasaqarnermut tunngasut

Imm. 3.1 Meeqqat ilaqutariillu immikkoortuanut immikkut aningaasanut qinnuteqaat 2021 ukiullu tulluuttut, Sisimiut.

Journalnr. XX.XX.XX

Tunuliaqutaq

Ilaqutariinnut paarsisartunut kiisalu ulloq unnuarlu angerlarsimaffinnut angerlarsimaffiup avataanut inissiisarnerit amerliartorput, taamaattumik angerlarsimaffiup avataanut inissiisarnernut missingersuutunik naleqqussaansamut Atugarissaarnermut immikkoortorta qinnuteqarpoq. Taamatullu ulloq unnuarlu angerlarsimaffinnut utaqqisut allattorsimaffianiittut amerlapput, taamaattumillu suliniutinik aallartisaasoqartariaarluni.

Ukioq mannamut ilaqutariinnut immikkoortumit Ingerlatsinermut aningaasaliissutinit, ulloq unnuarlu angerlarsimaffinnut namminersortunut akiliutinut aammalu Inuussutissarsiuutigalugu Ilaqutariit paarsisartunit ulloq unnuarlu angerlarsimaffinnut namminersortunut akiliutinut missingersuutitigut nuutsisoqarnissaanik qinnuteqartoqarpoq.

Paarsinersiutinut, ulloq unnuarlu angerlarsimaffinnut namminersortunut akigititanut, ulloq unnuarlu angerlarsimaffinnut Namminersorlutik Oqartussanit pigineqartunut suliniutinullu, ukioq mannamut ukiunullu missiliuteqarfiusunut ilassutitut aningaasaliissutunik qinnuteqartoqarpoq.

Maleruagassatigut tunngavigisag

Qeqqata Kommuniari kasseqarnermut naatsorsuuserisarnermullu malittarisassani imm 3.3 naapertorlugu Kommunalbestyrelsi aalajangiisussaataavoq.

Pissutsit atuuttut

Maannakkut angerlarsimaffiup avataanut inissinneqarsimasut 60-iupput, taakkunannga 35-t ilaqutariit paarsisartuni, tallimat ulloq unnuarlu angerlarsimaffinni Namminersorlutik Oqartussat pigisaanni, 20-t ulloq unnuarlu angerlarsimaffinni namminersortuni, marluk suliniutiniissimallutik ataaserlu suliniutiniilluni. Ilaanneeriarluni ulloq unnuarlu angerlarsimaffinni nikerarnej ingerlanneqartarpoq, ulloq unnuarlu angerlarsimaffinni Namminersorlutik Oqartussat pigisaaniittut ulloq unnuarlu angerlarsimaffinnut namminersortunut nuuttarlutik, illuatungaanullu.

Suliniutit assigiinngitsut iluatsinngippata, angerlarsimaffiup avataanut inissiineq kingullertut suliniutaassaaq. Ajoraluartumillu pisut assigiinngitsut patsisaallutik tamanna akulikitsumik pisarpoq, angajoqqaanik suleqateqarniarnej ajornakusoorsinnaasarpoq, ilaatigullu angajoqqaat suleqataarusunngilluinnartarlutik.

Ilaatigut sullissisuni ilinniarnep amigarnera kiisalu atorfiit inuttaqannginnerat ataatsimoortillugit pinaveersaartitsinermik suliniutinik naammattumik pilersitsisinnaanermik ajornartorsiortitsisarmat, kommunimit pinaveersaartitsiniarluni suliniutit naammassinnaaneq ajorput.

Ulloq unnuarlu angerlarsimaffinnut utaqqisut allattorsimaffianiittut amerlasaqaat, ilaatigut meeqqap angajoqqaaminiitiinnarnissaa aammalu ilaqutariit paarsisartuniitinnissaanut imminut illersorsinnaajunnaartarluni, taamaattoqaraangallu meeqqat ataasiakkaat ulloq unnuarlu angerlarsimaffinnut inissikkallarnejartariaqartarput imaluunniit pinngortitamut suliniutimut peqataatinneqarlutik.

**Atugarissaarnermut Ataatsimiititaliap september-ip 14-ani 202-imi ileqquusumik
ataatsimiinnera 03/2021 - Imaqarniliaq**

Atuilluartuunissakkut kingunerisinnaasai

2021-mut, 2022-mut ukiunullu missiliuteqarfiusunut missingersuutit oqimaaqatigiilissapput.

Aningaasaqarnikkut allaffissornikkullu kingunerisinnaasai

Atuiffiup normua	Atuiffiup taagutaa	Aningaasaliissutit	Nuussineq	Ilassutitut aningaasaliissut	Nutaamik aningaasaliineq
	Ilaqutariinnermut Immikkoortortami Ingerlatsineranut aningaasaliissutit -				
551020100 - 0501015100-122141200-010580	Siunnersortit allat	4.481	-4.481		0
	Meeqqat immikkut pisariaqartitsisut – Inuussutissarsiuutigalugu Ilaqutariit paarsisartut				
551020100 - 0501015140-122010100-010580	Qaammammut akissarsiasat	1.222	-1.222		0
	Meeqqat immikkut pisariaqartitsisut – Ulloq unnuarlu angerlarsimaffik namminersortoq -				
551020100 - 0501015170-122150400-010580	Akigititanut akiliutit suliffeqarfinnut imminnut pigisunut, Kalaallit Nunaanni	12.604	5.704	6.441	24.749
	Meeqqat immikkut pisariaqartitsisut - paaqqutarineqartut				
551020100 - 0501015120-	Akissarsiat (politikerit, paaqqutarinninneq, oqilisaassineq il.il.)	2.522		2.221	4.744

**Atugarissaarnermut Ataatsimiititaliap september-ip 14-ani 202-imi ileqquusumik
ataatsimiinnera 03/2021 - *Imaqarniliaq***

122020100 -010580					
	Meeqqat immikkut pisariaqartitsisut – Ulloq unnuarlu angerlarsimaffik Namminersorlutik Oqartussanit pigineqartoq				
551020100 - 050101515 0- 122150100 -010580	Akigititanut akiliutit suliffeqarfinnut Namminersorlutik Oqartussanit pigisunut	1.318		1.878	3.196
	Meeqqat immikkut pisariaqartitsisut - Ikiorsiiniutit				
551020100 - 050101000 0- 122141200 -010580	Suliniutit	0		2.200	2.200
	Katillugit		5.704	12.740	

Allaffeqarfiup naliliinera

Allaffeqarfik naliliivoq, missingersuutit oqimaaqatigiittut immikkoortortamut, ukiup sinneranut ukiullu tullianut inatsisit peqqussutillu nunamut atuuttumut naleqqussakkanut pitsaasuussasut.

Innersuussut

Sisimiuni Atugarissaarnermut immikkoortortaqrifiup Atugarissaarnermut ataatsimiititaliamut innersuussutigaa akuereqqullugu;

1. Ilaqutariinnut immikkoortumut Ingerlatsinermit aningaasaliissutinit 4.481 t.koruuninik, aammalu Inuussutissarsiutigalugu Ilaqutariit paarsisartunit, ulloq unnuarlu angerlarsimaffinnut namminersortunut akiliutinut 1.222 t.koruuninik eqitsit 1 naapertorlugu missingersuutitigut nuussisoqarnissamut qinnuteqaat, nuussineq ukioq mannamut taamaallaat atuuppoq.
2. Ukioq mannamut ukiunullu missiliuteqarfiusunut ilaqutariit paarsisartunut paarsinersiutinik 2.221.000 koruuninik, eqitsit 1 naapertorlugu ilassutitut aningaasaliissunik qinnuteqaat.
3. Ulloq unnuarlu angerlarsimaffinnut Namminersorlutik Oqartussanit pigineqartunut akigitatigut akilliutissanut 1.878.000 koruuninik, eqitsit 1 naapertorlugu ilassutitut aningaasaliissunik qinnuteqaat.
4. Ulloq unnuarlu angerlarsimaffinnut Namminersortunit pigineqartunut akigitatigut akilliutissanut 6.441.000 koruuninik, eqitsit 1 naapertorlugu ilassutitut aningaasaliissunik qinnuteqaat.
5. Ukioq mannamut ukiunullu missiliuteqarfiusunut Suliniutinut 2.200.000 koruuninik, eqitsit 1 naapertorlugu ilassutitut aningaasaliissutinik qinnuteqaat.

Aalajangiineq

Suliaq allaffeqarfimmuut utertinneqarpoq pitsaassutsimik qulakkeerneaqqaartariaqarmat. Ataatsimiinneq tullissaanut suliaq qaqqinneqassaaq.

Ilanngussat

1. Meeqqat angerlarsimaffiup avataanut inissinneqarsimasunut aki
2. Ilassutitut aningaasaliissutit B&U

Imm. 3.2 Sisimiuni Angerlarsimaffeqanngitsut unnuisarfiani, ammasarfiup sivitsorneqarneranit aammalu ilinniarsimasutut atorfiup aqutsisutut qaffanneqarnerata kingorna, ilinniarsimannngitsunut marlunnet sulisoqalernissamut ilassutitut aningaasaliissutinik qinnuteqaat. Sisimiut.

Journalnr.

Tunuliaqutaq

2021-mi februaarip qulingani ammasarfiit sivitsorneqarnernissaanut siulittaasumit akuersissutigineqarnerata kingunerisaanik, Angerlarsimaffeqanngitsunut unnuisarfimmut ilinniarsimannngitsunik marlunnet sulisoqalernissamut ilassutitut aningaasaliissutinik qinnuteqartoqarpoq.

Inatsisitigut tunngavigineqartut

Soqanngilaq

Pissutsit atuuttut

Sisimiuni Maniitsumilu angerlarsimaffeqanngitsunut unnuisarfiit 2021-mi tallimangorneq 15. Januar atuutilerput. Ammarnissaannut pilersaarusiornerni unnukkut nalunaaqutaq qulinut ammartassasut, aqaguanilu ullaakkut nalunaaqutaq qulingiluanut atuisut anereersimasassasut, unnuisarfiit ammasarfissai aaliangersarneqarsimapput.

Ammasarfiit sivitsorneqarnikuupput, ima inissisimalerlutik:

Unnukkut nalunaaqutaq arfineq-marlunet ammarlutik – aqaguanilu nalunaaqutaq ullup qeqqanut matulluni

Taamaalilluni oqaloqateqarnissamut errorsisinnaanissamulluunniit piffissaqassallutik.

Illumittaaq malittarisassaqqarpoq, tassaallutik Angerlarsimaffeqanngitsut unnuisarfii unnukkut nalunaaqutaq qulinut nipaallisimareertassasut, unnuisut eqqissisimaarnissamik, innajaarsinnaanissamik qasuerfeqarnissamillu periarfissaqartinneqarnissaat qulakkeerniarlugu, kiisalu ullaakkut nalunaaqutaq qulingiluanut unnuisut makereersimasassasut ullup aallartilluarnissaa siunertarlugu

Sulisut tiimiisa agguataarnerannut takussutissaq ilanngussatut ilanngunneqarpoq.

Angerlarsimaffeqanngitsunut unnuissarfik maannakkut aqutsisoqarani aqqissuussaavoq, taamaattorli ilaqutariinnut kiffartuussivimmi aqutsisumit aqunneqarluni. Taamaattumik Angerlarsimaffeqanngitsunut unnuisarfimmi atorfirmik aqutsisutut qaffaasoqarnissaanik qinnuteqartoqarpoq.

Qaammammusianut 52 t.koruunit qaammammut aningaasaliissuteqarnissaq 2020-mi septembarip 24-ani kommunalbestyresimit akuersissutigineqarpoq, tamannali missingersuutini qaammammut 0-imiimmat piviusunngortinneqarnikuunani.

Aningaasaqarnikkut allaffissornikkullu kingunerisinnaasai

Sulisuni arfineq-marluusuni sulisut ilinniarsimannngitsut marluusut paarlakaannernut ilaasussaapput, taakkunanga ilinniarsimasut marluullutik ilinniarsimannngitsut tallimaasut.

**Atugarissaarnermut Ataatsimiititaliap september-ip 14-ani 202-imi ileqqusumik
ataatsimiinnera 03/2021 - Imaqarniliaq**

Akissarsianut pissutsit S.I.K-mik isumaqatigiissutit atuuttut naapertorneqarput.

Ilinniarsimangitsumut ukiumut akissarsianut aningaasartuutit 242.898 koruuninut naatsorsorneqarput, Unnukkut unnuakkullu tapit kiisalu sapaammi nalliuttunilu tapit ilanngullugit. Taamaalilluni ukioq mannamut ukiunullu missiliuteqarfiusunut katillugit 485.795 koruunullutik, atuiffimmut: 551020202-0501035100-122010200-010580

Eqitsit 1, naatsorsuineq

	Akunermut	Unnuk-kut tapi	Unnuak-kut tapi	Akunner-mut sapaatini tapi	Akunermut nalliuttorsi- ornermi tapi	Ullormut nalliuttor- siornermi tapi	Katillugit
Kr.	103	4,5	7,5	54,5	54,5	250,0	
Ukiumut amerlassutsit	2080	1248	1248	200	32	4	
Katillugit	214.240	5.616	9.360	10.900	1.744	1.000	242.898
					Sulisut marluk		485.795

Eqitsit 2, ilassutitut aningaasaliissut

Atuiffiup normua	Atuiffiup taagutaa	Aningaasa- liissutit	Ilassutitut aningaasaliissut	Nutaamik aningaasaliineq
	Angerlarsimaffeqanngitsunut unnisarfik, inersimasut			
551020202- 0501035100- 12210200- 010580	Akunermusiat	1.968	486	2.454

Ilinniarsimasunut isumaqatigiissut NPK-mik isumaqatigiissutaavoq, tassani Angerlarsimaffeqanngitsut unnisarfianik imaluunniit Unnisarfinnut immikkut immikkoortortaqarani, isumaqatigiissummilu ornittakkani aqutsisunut atorneqarsinnaasoq §5 atorneqarpoq.

Aqutsisumut tapeq qaammammut 2.643,98 koruuniuvoq, taamaalillunilu ukiumut 12 x 2.643,98 kr. = 31.727,76 koruuniulluni.

Eqitsit 3, ilassutitut aningaasaliissut

Atuiffiup normua	Atuiffiup taagutaa	Aningaasa- liissutit	Ilassutitut aningaasaliissut	Nutaamik aningaasaliineq
	Angerlarsimaffeqanngitsunut unnisarfik, inersimasut			
551020202- 0501035100- 12210102- 010580	Qaammammusiat kingumut	0	32	32

Atuilluartaunissakkut kingunerisinnaasai

Angerlarsimaffeqanngitsunut unnisarfimmi sulisut agguaqatigiisillugu sapaatip akunneranut akunnerni 40-ni sulisarnissaat atuilluartaunerussaaq, taamaalillutik qasuersinnaassallutik.

Angerlarsimaffeqanngitsunut unnuisarfimmi saaffigineqarsinnaasumik aqutsisoqalernikkut eqqissisimasoqarnerulissaaq, aammali suleqatigiinnermut atatillugu Atugarissaarnermut immikkoortortap sinneranut.

Allaffeqarfiup naliliinera

Sisimiuni Atugarissaarnermut immikkoortortaq naliliivoq, Angerlarsimaffeqanngitsunut unnuisarfimmi naammattunik sulisoqarnikkut, sulisut attatiinnarnissaanut periarfissat pitsangorsarneqassasut, tamatumalu saniatigut Angerlarsimaffeqanngitsut unnuisarfiani atuisut nammineq angerlarsimaffeqalernissaanut siuariarnermik pilersitseqataassallutik.

Innersuussut

Atugarissaarnermut immikkoortortap Sisimiuni Atugarissaarnermut Ataatsimiititaliamut innersuussutigaa

1. Ilinniarsimannngitsunut marlunnut atuiffik 551020202-0501035100-122010200-010580-imut 485.795 koruunik ilassutitut aningaasaliissutit akuersissutigineqassasut
2. Angerlarsimaffeqanngitsunut unnuisarfimmi atuiffik 551020202-0501035100-1220102-010580-imut Aqutsisumut aqutsisutut tapimut 31.727,76 koruunik ilassutitut aningaasaliissutit akuersissutigineqassasut

Aalajangiineq

Suliaq allaffeqarfimmut utertinneqarpoq pitsaassutsimik qulakkeerneaqqaartariaqarmat. Ataatsimiinneq tullissaanut suliaq qaqqinneqassaaq.

Ilanngussat

1. Angerlarsimaffeqanngitsunut unnuisarfimmut skema
2. Akissarsiat naatsorsornerinut skema

Imm. 3.3 Innarluutillit najugaqatigiiffiini Sannaviinilu aningaasaliissutinik qinnuteqaat, Sisimiut.

Journalnr. 06.02.01

Tunuliaqutaq

Innarluutillit inersimasut Najugaqatigiiffiani Pisoq aningaasatigut sippuilluni atuisimaneq juli 2021-i qaammat ilanngullugu 91,4%-miippoq Atuineq ukiumut tamarmiusumut siammaraanni, atuineq 58,3 procentimiissaaq.

Najugaqatigiiffik Pisoq-p missingersuutaanut ukiunullu missiliuuteqarfiusunut immikkut aningaasaliissutinik 10.486,444 koruuninik qinnuteqarpoq. Sippuilluni atuvallaarnermut pissutaavoq sulisut ukiuni kingullerni amerleriaateqarnerat, sulisullu qaangiuttoormik atuinerat aammalu ineqarnermut akiliutit qaffanneqarnerat, taamaalilluni aningaasat qinnuteqaataasut ukiunilu tulluuttuni ingerlatsinermik oqimaaqatigiissitsinissamut pisariaqartitat tunngavigalugit naapertuuttunngortariaqarmata

Maleruagassatigut tunngavissat

Qeqqata Kommuniani karseqarnermut malittarisassani imm. 3.3-mi allassimavoq, kommunalbestyrelsi aningaasaliisussaataasooq

Pissutsit atuuttut

Atuineq ukiumut tamarmiusumut siammaraanni, atuineq 58,3 procentimiissaaq juuli qaammat naaneranut.

Innarluutilinnut najugaqatigiiffik Pisoq aningaasaliissutinit 15.576,942 mio. koruuniusunit, atuineq katillugu 91,4 procentimik annertussuseqarpoq, aningaasannorlugu 14.237.792,37 koruunit. Tassa imaappoq, 2021-imi juulip naaneranut 33,1 procentimik atuvallaartoqarpoq piffissamut aningaasaliisutaasuniit aningaasannorlugu kr. 5.155.967 koruunit.

Velfærdsudvalg	Oprindelig budget	Omplacementer	Tillægsbevillinger	Korr. Budget	Forbrug pr. 31. juli 2021	Forbrugsprocent	Restbudget
Boenhed PISOQ	15.576.942			15.576.942	14.237.792	91,4%	1.339.150
Beskyttet værested	3.907.990			3.907.990	1.776.132	45,4%	2.131.858
Sannavik 2	-			-	2.334		- 2.334
Værested IVIK	310.644			310.644	38.271	12,3%	272.373

Sulisunik amerlassusiliinerit akuerisaasut (Normeringsoversigt) 2020-mi Qeqqata Kommuniani atuuttoq malillugu PISOQ-mi sulisut amerlassusiligaanerat 88,8-miippoq. 2018-mi sullitat 94-sut maanna 2021-mi sullitat 115-miilernikuupput, taamaalilluni sullitat 21-nik amerleriaateqarneri tunngavigalugit sulisut 24-nik ilaqqinnikuupput

Sulisut qaammammusiaasa, tiimimusiaasa aammalu najugaqatigiiffiit qaamammut akiliutaasa Inissiatileqatigiiffik INI a/s-ip qaffaanikuunerata kingunerisaanik aningaasaqarnikkut nalimmassaasoqarnikuunngilaq, taamaalilluni sullitat amerleriarnerinut sulisunik atuinerulerneq

**Atugarissaarnermut Ataatsimiititaliap september-ip 14-ani 202-imi ileqquusumik
ataatsimiinnera 03/2021 - Imaqarniliaq**

pinikuuvoq, aningaasaqanermilu aningaasartuutit nalimmassarneqannginnerinut sippuilluni
atuivallaarnermik isikkoqartitsilluni

2021-mi sullitat amerlassusaat:

Najugaqatigiiffinniittut inersimasut	35
Inersimasut nammineq angerlarsimaffimmiinnittut	42
Meeqqat tapersersortillit	2
Katillugit	79

Ineqarnermut akiliutit INI a/s-ip 20% -mik qaffannikuuvoq. Najugaqatigiiffiit quliusut allaffiillu
marluk ineqarnermut akiliutit katillugit qaammamut kr. 115.906,00 akilitigineqartarput, ukiumut
atugassat katillugit 1.391.520 koruuninik annertussuseqassallutik

Ineqarnermut akiliutissatut aningaasaliissutit 1.071.462 koruuniusunit atuiffik 551040202-
0501045300-122100300-010580 atuneq aningaasannorlugu kr. 836.559 aggusti qaammat
ilanngullugu annertussuseqarpoq procentinngorlugu 78,8, aningaasaliissutit ukiumut
tamarmiusumut siammaraanni atuneq 66,7-miittussaagaluartoq. Atuivallaarnermi ilaatigut
inissiamiik inissiamut nuunnermi marloriaammik qaammammut ineqarnermut akiliineq
pisariaqartarpoq, aammalu aserfallattut taarsersornerinut atatillugu aningaasartuutit ineqarnermut
akiliummut ilanngullugit akiligassiissutigineqartarmata.

Pisariaqartinneqarpoq ukiumut katillugit ineqarnermut akiliutit 1.390.872 koruuninik
annertussuseqartussat, qaavatigut 275.000 aserfallatsaaliinermut matussutissatut aningaasat
ilanngunneqarnissaat, taamaattumik atugassat 1.666.000 pisariaqartinneqarput

Atuiffik 551040202-0501040000-122100300-010580 aningaasaliissutitaqanngitsoq -271.199
koruuninut atuiffigineqarsimavoq, taakkualu nuunneqarnissaa qulaani taaneqartumut atuiffimmu
suliarineqarput, nooriarlugit atuiffik una peerneqartussaavoq, taamaalilluni atuffiup aappaanut
551040202-0501045300-122100300-010580 nuunneqarpata atuneq aningaasannorlugu 1.107.758
koruuninngussaaq.

Eqitsit 1:

Najugaqatigiiffinni, illoqarfimmilu sullitat tapersersortillu amerlassusaat:

Najugaqatigiiffiit	Najugaqartut	Sulisut	Ineqarnermut akiliut qaammammut
Umiivitsiaq 3	3	6	11.696,00
Umiivitsiaq 13	2	6	11.511,00
Umiivitsiaq 23	3		9.564,00
Umiivitsiaq 49	3	8	9.414,00
Aqqartarik 5-207	4	7	10.180,00
Aqqartarik 5-307	4	9	10.180,00
Aqqartarik 6-13	3	6	7.064,00
Aqqartarik 6-206	4	5	10.180
Chr. 28-p Aqq. 13	1		4.485,00
Chr.28-p Aqq. 31	2	8	10.184,00
Deichmannip Aqq. 8	6	15	Ineqartut namminneq akiliisarput
Aqqartarik 5-11 Pisoq allaffik			9.809,00
Deicahmannip Aqq. 8 sulisut allaffiat			11.693,00
Katillugit	35	70	115.906,00 qaammammut

**Atugarissaarnermut Ataatsimiititaliap september-ip 14-ani 202-imi ileqqusumik
ataatsimiinnera 03/2021 - Imaqarniliaq**

Umiiivitsiaq 13 aamma 23 holdleder-i ataaseq, taakkulu marluk katillutik 6-nik sulisoqarput. Imaappoq pisariaqartitsinerat allaniit annikinneruvoq, taamaattumik sulisut ikinnerupput. Chr. 28-p Aqq. 13-mi najugaqartoq nammineersinnaanerunera naapertorlugu aaliangersimasumik sulisoqanngilaq, sulisulli akunnermiliullugu alakkartarpaat ajunnginnersoq

Annertuumik innarluutillit aammalu noqartartut ulloq unnuarlu nakkutigisariaqartut 5-maasut sulisoqarnerusarput, amerlanertigullu marlukkaarlutik sulisoqartarput

Illoqarfimmiittut tapersersortillit ukiuni kingullerni kisitsisinngorlugit:

	2018	2019	2020	2021	Sulisut amerlassusaat 2021-mi
Inersimasut namminerisaminnik najugallit	18	37	38	42	15
Meeqqat angajoqqaaminni najugallit	9	8	8	2	9
Katillugit	27	45	46	44	24

2019-mi aningaasaliissutini Innarluutillit najugaqarfiat nutaaq D-8-mut aningaasaliissutit 1.401.000 koruuniusut peerneqarsimapput, PISOQ-llu ataanut qaammammusiallit aningaasaliissutaannut nuunneqarsimallutik

Sannaviit illersukkat marluusut qaammammusiallit 2017-mi aningaasaliissuteqartut 1.020.000 koruuninik ukiup tulliani 2018-mi appariarsimapput 491.000 koruuninngortinneqarlutik, siornalu 2020-mi qaffanneqaqqissimapput kr. 808.000-mut qaavaticullu tapiissutit kr. 20.000 ikkunneqarsimapput, taamaattoq sulisut amerlassusiligaanerannut naapertuutinnigsumik

Najugaqatigiiffik 2 aammalu Sannavik 1 qaammammut agguaqatigiissillugu agusti qaammat ilanngullugu atuineq 66,7%-miittussaasoq, atuineq procentinngorlugu 88,7%-miippoq, taamaasilluni atuivallaarneq procentinngorlugu 22-miippoq.

Najugaqatigiiffimmi tapersersortitut sulisut sisamat erninermut atatillugu sulinngiffeqarput, taakkualu taarteqartinneqarput, taamaasilluni sisamanik sulisunik akissarsiaqartitsineruneq pilluni.

Sulisunut 20-inut qaammammusialinnut atuineq:

Sulisut qaammammusiallit	Qaammammut	Ukiuumut
PISOQ tamakkerlugu	433.321	5.199.846
Sannavik tamakkerlugu	78.614	943.363

Ukiut siuliini qaammammusiallit ikinnerunikuupput, sulisulli ukiuni arlaqartuni inissisimasut siorna ukioq mannalugu qaammammusiaqalerniarlutik qinnuteqartut akuerineqarlutik qaammammusiaqalernikuupput, massakkut sulisut marluk qaammammusiaqalerniarlutik qinnuteqaataat ingerlapput. Ilinniarsimannigitsut qaammammoqalernissaanut sulisoqarnermut SIK isumaqatigiissutaa naapertorlugu pipput.

Sullitat ilai piffissap ilaani sulisunik amerlanerusunik pisariaqartitsineq aallaavigalugu atuiffiusariaqartarput peqqissutsimikkut inissisimanerat tunngavigalugu, aammalu najugaqartut allat illersorsinnaajumallugit, nakkutiginninneq annertunerulertarmat. Najugaqartoq eqqarsartaatsimigut ilungersunartumiileraangat kamaqqajaalluni sioranarsinnaatillugu sulisut arlariit upalungaarsimanissaq pillugu sulisariaqartarmata. Pissutsit taamaatut ittut siumut pilersaarusionerqarsinnaanngillat, taamaattumik qanoq annertutigisumik sulisoqarnissaq naatsersoruminaattarluni.

**Atugarissaarnermut Ataatsimiititaliap september-ip 14-ani 202-imi ileqqusumik
ataatsimiinnera 03/2021 - *Imaqarniliaq***

Sulisut napparsimallutik sulisinnaangikkaangata sulisooreersut 8 tiimit naammatsillugit sulereeraluarlutik ingerlaannaq suleqqissinnaasarpur taamaalillutik ataannartumik 16-tiimit tikillugit sulisinnaasarpur, taakkuupput tiimissatik sipporlugit sulisut qaangiuttoornermik akissarsiaqartartut. Sullitat innarluuteqarmata ilisarissimanniganik sukut tamaana parlattaasartunik assigiinngiiaarpallaartunillu sulisoqartikkusunngit, sulisooreersut ingerlaqqiinnarlutik suliinnartartut arlaqarpur

Aningaasaqarnikkut allaffissornikkullu kingunerisinnaasai

Missingersuutit atuinermut pisariaqartitsinerillu naapertorlugit nalimmassarnissaat pisariaqarpoq, taamaattumik immikkut aningaasaliisoqarnissaanik pisariaqartitsisoqarpoq ukiup 2021-p naaneranut aammalu ukiuni tulliuuttunut

Eqitsit 1:

Pisoq (Najugaqatigiiffik 2): Atuiffik 551040202

Kontonummer	Kontonavn	Bevilling	Omplacering	Tillægsbevilling	Ny bevilling
0501045300 122010102 010580	Qaammamusiallit kingumoortut (månedsløn bagud)	2.037		3.162.846	5.199.846
0501045300 122010200 010580	Tiimimusiallit (timeløn)	10.458.000		6.075.000	16.533.000
0501045300 122010303 010580	Qaangiuttoornerit, tiimimusiallit (merarbejde – timeløn)	791.375		634.598	1.425.973
0501045300 122100300 010580	Huslejudgifter datterselskaber og OPP aftaler (sunaana?)	1.052.000		614.000	1.666.000

Atuilluutuunissakkut kingunerisinnaasai

Missingersuutit eqqortuunissat pingaaruteqarpoq, innarluutilinnik sullissinermi sulisunik annertunerusumik atueriataarsinnaaneq eqinnaatsumik ingerlanneqarsinnaanissaa pisariaqartinneqarpoq, sullitat sulisullu toqqissisimanartumik atugaqartinneqarnissaat sulisullu patajaatsumik suliffeqarnissaat siunertaralugu.

Allaffeqarfiup naliliinera

Atugarissaarnermut immikkoortortap nalilerpaa innarluutilinnik sullissineq Innarluutilinnut Inatsisartut inatsisaata allannornera tunngavigalugu innuttaasut sullinneqartut amerleriarnanik kinguneqartoq, naak ilaatigut suli pisariaqartitsisut soorlu utoqqaat namminerisaminnik angerlarsimasut suli sukumiinerusumik ikiorserneqarneq ajoraluartut. Aammattaq sulisut napparsimanerini taartinik nutaanik pissarsioqattaangikkaluarluni sulisooreersut ingerlaannarlutik sulisartut aalaakkaappur, ineqartunut pitsaaqutitaqarpoq toqqissisimallutik sulisooreersut sulisoriinnartaramikkut, taartinik nutaanik ilisimasaqarpiannngitsunik sulisoqarnissaraluaq pinngitsoortinneqartarpoq. Siornatigut misilittagarineqarpoq qaangiuttoornerit kingorna freernissamut atugassiannortillugit (afspadsering) aningaasannorngit tunniunneqartarlutik, annertuumik sulisussaaleqisarneq piunikuuvoq, sulisut nakerinnngimmassuk tiimit katersuinnarissaat, aammalu freerluni atorniaranni ullut ilaanni suleqatit allat

sulerulunnerulernerannik kinguneqartarmat. Illuatungaani qaangiuttoornertut tiguisarneq sulisut aalaakkaanerulernerannik takutitsivoq

Najugaqatigiiffinniittut eqqarsartaatsimikkut kinguarsimasuupput, arlaqartut eqqarsartaatsimikkut kinguarsimangaatsiarput allaat meeraaqqatut eqqarsartaasia sanillersuussinnaallugu. Ulloqartarpullu aamma pooqqajaallutik, ilaatigut iisartakkanik iiserusukkunnaarnerit kingunerannik eqqissiviillioqqajaanerit pitillugit, sulisut arlariaarlutik sulisariaqartarnerat avaqqunneqarsinnaanngilaq, ilaatigut imigassanik aanngajaarniutinillu atuisimatillugit, sulisut najugaqartullu allat illersorsinnaasumik toqqissisimanartumillu atugassaqartariaqaramik

Patajaatsumik sullissineq ingerlassappat, Atugarissaarnermut immikkoortortap siunissamut takorluugaasa ilagivaa, najugaqatigiiffinni holdleder-itut inissisimasut minnerpaamilluunniit ilinniarsimasuuniissaat piumasaqaatinngortissallugu, matumani qulakkeerneqartariaqarmat najugaqartut sullitat qanoq innarluuteqarneri qanorlu paaqqutarineqarnerminni pitsaasumik sullinneqarsinnaanissaanut ilisimasaqartunit paaqqutarinnineq ingerlaniassammat, aammalu kajumilersitsiniaanissamut, oqaloqatiginissinnaanissamullu piginnaasaminnik sulisut qaffassaajuarnissaat anguniarlugu. Sulisorparujussuit ilinniarsimasuunatik annerusumillu misilittagaqaratik sulilersarput piffissamilu sivisuumik ilinniartinneqarujortarput sulisooreesunit, tamanna sullitatsinnut nalitoorujussuusinnaasarpog

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

1. Qaammammusiiallit kingumoortut 3.162.846 koruuninik tapiissuteqartoqarnissaa atuiffik 551040202-0501045300-122010102-010580 akuerineqassasoq
2. Tiimimusiallit 6.075.000 koruuninik tapiissuteqartoqarnissaa atuiffik 551040202-0501045300-122010200-010580 akuerineqassasoq
3. Qaangiuttoornerit, tiimimusiallit 634.598 koruuninik tapiissuteqartoqarnissaa atuiffik 551040202-0501045300-122010303-010580 akuerineqassasoq
4. Huslejudgifter datterselskaber og OPP aftaler 614.000 koruuninik tapiissuteqartoqarnissaa atuiffik 551040202-0501045300-122100300-010580
5. Aningaasaqarnermut Ataatsimiititaliamut Kommunalbestyrelse-mullu inaarutaasumik akuersissutigisassanngorlugu innersuussutigineqassasoq

Aalajangiineq

Suliaq allaffeqarfimmut utertinneqarpoq pitsaassutsimik qulakkeerneqaaqqaartariaqarmat. Ataatsimiinneq tullissaanut suliaq qaqqinneqassaaq.

Ilanngussat

1. Regnskabstal 1 halveår 2021
2. Normeringsoversigt 2020-meersoq Qeqqata Kommunua-ta nalunaarsugaataani
3. PISOQ-mit paasissutissat e-mail-kkut pissarsiat
4. PISOQ-mi sullitat allattoqqaneri exel-ikkut takussutissiaq
5. Budget Bofællesskab aammalu Sannavik

04. Suliassat nalinnaasut

Imm. 4.1 Kommunimi ikiorsiinissamut aaqqiissutit pillugit pitsaassutsimut tunngavissat akuerineri

Journalnr. XX.XX.XX

Tunuliaqutaq

Atugarissaarnermut immikkoortortami aqutsisooqatigiit kissaataat naapertorlugu 2020-mi suleqatigiissitanik assigiinngitsunik pilersitsisoqarpoq, kommunimi immikkoortuni assigiinngitsuni ikiorsiissutinut aaqqiissutit pillugit pitsaassutsimut tunngavissanik suliaqartussanik. Suleqatigiissitat sullissisunik assigiinngitsunik inuttallit, ikiorsiissutinillu assigiinngitsunik suliaqartuusut, pitsaassutsimut tunngavissanut ilaatigut ikiorsiissutinut aaqqiissutit siunertaannik, annertussusaannik il.il. allaaserinnittunik siunnersuuteqarput.

Maleruagassatigut tunngavissat

- Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq.
- Ilaqutariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersoq
- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq.
- Namminersornerullutik Oqartussat nalunaarutaat nr. 32, 26. juli 1994-imeersoq kiisalu Qeqqata Kommuniani angerlarsimaffimmi ikiorteqalernissamut piumasagaatit.
- Utoqqarnik paaqqinniffiit il.il. pillugit Inatsisartut peqqussutaata allanngortinneqarneranik Inatsisartut peqqussutaat nr. 8, 5. December 2008-meersoq
- Inuit innarluutillit tapersorsorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Pisortarnit ikiorsiissutit pillugit Inatsisartut peqqussutaat nr. 15, 20. november 2006-imeersoq.
- Siusinaartumik pensionisiat pillugit Inatsisartut inatsisaat pillugu Namminersorlutik Oqartussat nalunaarutaat nr. 7, 21. Februar 2020-meersoq
- Inissianik attartortitsineq pillugu Inatsisartut peqqussutaat nr. 2, 12. Maj 2005-imeersoq

Pissutit atuuttut

Kommunip suliffeqarfiutaanni assigiinngitsuni Sisimiuniittuni Maniitsuniittunilu sulisunik suleqatigiissitat inuttaqartut ataani allaaserineqartutut agguataarneqarput. Pitsaassutsinut tunngavissanik mappersagassaq imalik aamma taamak agguataarsimavoq, ikiorsiissutinullu aaqqiissutit makku pillugit pitsaassutsimut tunngavissaliuunneqarlutik:

- Meeqqanut ilaqutariinnullu immikkoortortaq
 - Meeqqamut taassumalu ilaqutaanut tapersorsorteqartitsinissaq pillugu aaqqiissut
 - Najorteqarnermik aaqqiissut
 - Ilaqutariit paarsisartut pillugit aaqqiissut
 - Inuussutissarsiutigalugu ilaqutariit paarsisartut pillugit aaqqiissut

- Utoqqarnut immikkoortortaq
 - Oqilisaassinissamut aaqqiissut
 - Ulluunerani ornittagaq pillugu aaqqiissut
 - Ulloq unnuarlu angerlarsimaffimmi ikiorteqartarneq pillugu aaqqiissut
 - Angerlarsimaffimmi ikiorteqartarneq pillugu aaqqiissut
 - Sammisassanut ingerlatsisarneq pillugu aaqqiissut
 - Nerisassanik pajutsittarnermut aaqqiissut
 - Utoqqaat angerlarsimaffii

- Innarluutilinnut immikkoortortaq
 - Angerlarsimaffimmi atortorissaarutitut angerlarsimaffiullu aaqqissugaanera pillugu aaqqiissut
 - Najorteqarnissamut aaqqiissut
 - Tapersersorteqarnissamut aaqqiissut
 - Oqilisaassinermut aaqqiissut
 - Ulloq unnuarlu angerlarsimaffiit aaqqissugaanerat pillugu aaqqiissut
 - Innarluutilinnut bussit pillugit aaqqiissut

- Ikorsiissutitut immikkoortortaq
 - Pisortanit ikorsiissutit

Pitsaassutsimut tunngavissat imarisaat tamarmik assigiiaarput, immersugassarlu tamanut assigiittoq makkuninnga imaqarluni:

1. Inatsisitigut tunngavik
2. Suna pisariaqartitaq sullississutigineqartoq
3. Kommunimi kina nalilersuisuussava
4. Kina sullinneqarsinnaava
5. Sullissinerup siunertaa
6. Sullissinerup annertussusaa
7. Sullissinermi ilanngunneqartut + ilanngunneqanngitsut
8. Sullissisup piginnaasaanut piumasaqaatit
9. Kina sullissisuaa
10. Sullissisut eqqarsaatigalugit qinigassaqaarnersoq
11. Ikorsiineq qanoq malitseqartinneqartarnersoq
12. Ikorsiineq akeqarnersoq
13. Naammagittaalliornissamut ilitsersuut

Atuilluartuunissakkut kingunerisinnaasai

Pitsaassutsimut tunngavissat, kommunitta ikorsiissutitut aaqqiissutaat sunik imaqarnerinik, paaseqatigiinnissamut aqutissiueqataassapput, innuttaasunullu ilaatigut ikorsiissutinik piniaraanni suut piumasaqaataanersut ersarinnerulersitseqataassallutik. Innuttaasunutaaq ersarinnerulissaaq sullissineq qanoq pisariutigisinnaanersoq, assersuutigalugu qulaajaanerit, inunnik ataasiakkaanik nalilersuinerit, periusissiornerit il.il. taamaatullu sullinneqarnerup sivisusinnaaneranut paasinninnermik pilersitsisinnaalluni.

Pitsaassutsimut tunngavissat kommunimi sulisut sulinermi sakkussatut aamma atorsinnaajumaarfaat, tunngavissaqalerumaarlutillu sullissinermi imaluunniit ikorsiissutit tunniunnerini pitsaassutsimik sapinngisamik piviusunngortitsissallutik.

Sullissisunut taamatuttaaq ersarinnerulissaaq suut naatsorsuutigineqarnersut, assersuutigalugu pitsaassutsimut tunngavissami ersareqqinnaamik allaaserineqarsimavoq ilaqutariit paarsisussanit suut naatsorsuutigineqarnersut. Taamaasillunilu ersarissarneqarluni inissiisarnert paarsisarnermusianuinaaq tunngassuteqanngimmata, aammattaarli paarsisartunut annertoorujussuarmik pisussaaffiliimmata.

Sullissinerittaaq pitsanngorsarnissaannut aqutissiueqataassapput - innuttaasut ikiorsiissutinut aaqqiissutit sordiaat sumik imaqarnersut, suut piunasaqaateqarnersut il.il. siumoortumik ilisimaarereerlugit saaffiginninneri sullissisunut sullissinissaq oqinnerussammat.

Sugisaasuttaaq ikiorsiissutinik aaqqiissutit pillugit pitsaassutsimut tunngavissat aqutigalugit ilisimaarinninnerulerunik, sugisartik ikiorluarsinnaanerulissavaat ikiorsiissutinik pisariaqartitaanik pissarsiunnerisigut.

Aningaasaqarnikkut allaffissornikkullu kingunerisinaasai

Pitsaassutsimut tunngavissat atuutilerineri aningaasaqarnikkut kinguneqarnissaat naatsorsuutigineqanngilaq. Allaffissornikkulli pitsaanerusumik sullissinnaalernissaq aqutissiuunneqarnissaa naatsorsuutigineqarluni.

Allaffeqarfiup naliliinera

Allaffeqarfiup nalilerpaa pitsaassutsimut tunngavissat innuttaasut kommunillu akornanni paaseqatigiinninnerunermik pilersitsissasut, pitsaanerusumik suleqatigiissinnaanermik kinguneqartumik.

Immikkoortortani assigiinngitsuni inatsisit aallaavigalugit ikiorsiissutit piusut, sullissisunit inatsisit siunertaat piviusunngortinnissaanut, inatsimmut kaammattuuttumik pitsaanerusumik sullissinissaannik aqutissiuussisuussapput.

Innersuussut

Atugarissaarnermut Immikkoortortaqaarfiup Atugarissaarnermut Ataatsimiititaliamut innersuussutigaa:

- Kommunimi ikiorsiissutinut aaqqiissutit assigiinngitsut pillugit pitsaassutsimut tunngavissat akuereqqullugit.

Aalajangiineq

Akuersissutigineqarpoq suliarlu paasissutissatut Aningaasaqarnermut Ataatsimiititaliamut Kommunalbestyrelsemullu ingerlateqqinneqassaaq.

Ilanngussat

1. Pitsaassutsimut tunngavissat

**Imm. 4.2 Atugarissaarnermut ataatsimiititaliap suliffeqarfinnut 2021/2022-imi
pulaartarnissaanut siunnersuut**

Journalnr. 01.02.03

Tunuliaqutaq

Atugarissaarnermut Ataatsimiititaliap, suliffeqarfinnut kommunip avataaniittunut, Namminersorlutik Oqartussat suliffeqarfiutaanut oqartussaqaqarfinnullu allanut suleqatigineqartunut pulaartarnissartik kissaatiginikuuvaat aammalu pulaartarnikuullutik. Tamanna Atugarissaarnermut Ataatsimiititaliap nutaajusup ingerlateqqinneqarnissaa kissaatigaa.

Maleruagasatigut tunngavissat

Kommunimi aqutsinermit ileqqoreqqusaq aamma Atugarissaarnermut ataatsimiititaliap suleriaasia.

Pissutsit atuuttut

Kommunip suliffeqarfiutaanut pulaartarnissaq pissarsiaqarnarpoq, tamanna ulluinnarni unammillernarsinnaasunut isiginnittaatsimik pitsaannerusumik pilersitseqataasinnaamat. Pissarsiaqarnarsinnaavortaaq Namminersorlutik Oqartussat suliffeqarfiutaanut oqartussaqaqarfinnullu allanut pulaartarnissaq, akunnerminnik eqqartueqatigiilluni aammalu akimortumik suleqatigiinnerup siuarsarneqarnissaa pillugu.

Aningaasaqarnikkut allaffissornikkullu kingunerisinnaasai

Maniitsumut angalanissamut akuerineqassappat, angalanissamut ilaasortaasunut sulisunullu aningaasartuutissaq immikkut qinnutigineqassappat aningaasaqarnermut ataatsimiititaliamut.

Allaffeqarfiup naliliinera

Allaffeqarfiup ullut toqqarneqarsimasut suliffeqarfinnut pulaarnissamut siunnersuutigai akunnerni 08:30-miit 10:00-imut

Atugarissaarnermut ataatsimiititaliap ataatsimiiffissai 2021/2022	Kangaamiuniit siunnersuutit	Maniitsoq siunnersuut	Sisimiut Siunnersuutit
2021:			
14. oktober	Kommune allaffia		Familiecenter
8-12. november		Udvalgsbesøg	
09. december			Pissarsarfik
2022:			
13. januar			Allaffeqarfik
10. februar			Tilioq
09. marts			Pisoq/Ivik
13. april			
11. maj			Isikkivik
22. juni	Utoqqaat illuat		Utoqqaat illuat Qupanuk

2022 aamma 2023 pulaarfissaasinnaasut saqqummiunneqassappat ataatsimiititaliamut, ataatsimiitsitaliap ataatsiiffissaanni maajimi, taamatuttaaq ullut pulaarfissat 2022-imi

allannguuteqarsinnaapput ataatsimiititaliap ukioq manna naalernerani 2022-mi ullut
ataatsimiiffiusussat alajangerneratigut.

Innersuussut

Atugarissaarnermut Ataatsimiititaliamut innersuussutigineqarpoq, siunnersuutit
saqqummiunneqartut

- eqqartorneqassasut isummerfigineqarlutillu siunnersuut uannga taaserneqassasoq
aalajangiiffigineqassasullu

Aalajangiineq

Akuerineqarpoq, angalanermilu aningaasartuutigineqartussat Aningaasaqarnermut
Ataatsimiititaliamut akuerisassanngorlugit qinnutigineqassapput.

Ilanngussaq

Soqanngilaq.

06. Paasissutissiissutit

Imm. 6.1 2021-mi Sisimiuni innuttaasut naammagisimaarinninnerat pillugu misissuineq kiisalu suliniutit pillugit paasissutissiineq

Journalnr.

Tunuliaqutaq:

2021-mi april-imit juuni ilanngullugu, Atugarissaarnermut immikkoortortaarfik antropologimik, Department of Cultural Anthrology and Ethnology, Uppsala University Sverige-meersumik suliffimmik misiliisoqarnikuupput, tassungalu atatillugu suliffimmik misiliisoq Atugarissaarnermut pisortaq peqatigalugu, Immikkoortortami innuttaasunik sullissivimmi sullissinnermut atatillugu, ajornartorsiutaasunik annertunerusunik qulaajaanissamut atugassamik, innuttaasut naammagisimaarinninnerannik misissuinnermik ingerlataqartinneqarpoq

Maleruagassatigut tunngavigisaq

Sulisunut piginnaatitsinnermut pilersaarut

Pissutsit atuuttut

Immikkoortortami innuttaasut sullinneqarnerminnut naammagittaallioortoqartarnera naammagisimaarinnittoqarnerlu ajornera, Atugarissaarnermut immikkoortortami aqutsisunit arajutsineqanngilaq. Taamaattumik innuttaasut suut naammagisimaannginneraat ilisimalissallugu Aqutsisunut pingaaruteqarpoq, taamaalillutik aqutsisut kiffartuussinnermut qaffasissusaannik pitsaangorsaa sinnaanermut kiisalu innuttaasut naapertuuttumik sullinneqarnissaminut pisariaqartitaannik matussusii sinnaaniarluni periutsinik allannguinissamut periarfissaqalissallutik

Innuttaasut toqqaannartumik borgmesterimut naammagittaallioortunut immikkoortortamit aamma misigineqarsinnaasapoq, aqutissalli eqqortut malinneqarnissaanut qullersaqarfimmit aamma eqqumaffigineqarpoq, taamaattoqartillugulu innuttaasut immikkoortortap aqutsisunit innersuunneqartarput, sunalu naammaginnartinninneraat paasiniarlugu. Innuttaasunik sullissineq, innuttaasunillu sullissinnermut inatsit naapertorlugu ingerlanneqarsimanersoq kiisalu innuttaasup itigartinneqarnerminut suna tunngavigineqarsimanersoq qanimut misissuataarneqassaaq

Taamaattumik sulisut pissusiinik piginnaasaannillu aqutsisut qanimut misissuunissaat pingaaruteqarpoq, immikkoortortanimi sullissisut arlaqartut isumaginninnermut siunnersortitut ilinniarnikuunngillat, kommunimilu sullissinnermut killilimmik ilisimasaqartuullutik. Taamaalillutillu aqutsisut 2020-mi novembarimi aallartittumik Sammisqaartitsinernik ingerlatsisarput, tassani "Pitsaanerusumik innuttaasunik sullissineq" ukkatarineqarluni – tamannalu imminnermut qiviarnissamik aammalu "innuttaasumut qanoq pissuseqarpunga?"-mik naliliinissamik pisariaqartitsilluni. Sulisunit peqataalluortoqarpoq, Sammisqaartitsinerillu Sømmandshjem-imi ingerlanneqartarlutik, tamannalu sulisunut pitsaasuvoq, sulisullu eqeersimaarnerat soqutiginnilluarnerallu aqutsisunit malugineqarsinnaalluni.

Sammisqaartitsinerni apeqqutit tulliuuttut eqimattakkaarluni sammineqarput:

- Innuttaasunut qanoq pissuseqarnerluta nammineq qanoq isumaqarpugut?
- Innuttaasooq angusaqarluni anissappat?
- Innuttaasumik attaveqarneq
- Naleqartitat suut pingaartinneqassappat
- Immikkoortortarput qanoq ilisaritittarparput?

Sulisut maannamut Sammisaqartitsinerit pingasut ingerlatereerpaat, taakkulu akornanni antropologingorniap misissuineq ingerlallugu.

2021-mi aggustip naanerani sulisut Inunnguuseralugu peqqinneq atugarissaarnermilu "Tunngaviit pingasut" pillugit pikkorissarnermik aallartippat, taannalu pingasunut agguataagaavoq, septembarip qiteqqunnerani naammassineqarpat sulisut sammisaqartitsisarnertik aallarteqqissavaat, isiginneriaatsinillu assigiinngitsunik imaqartunik naleqartitsinerik suliaminnik naammassisaassallutik

Sammisaqartitsinerit saniatigut, qaammatit pingasukkaartumik immikkoortortami Teambuilding ingerlanneqartarpoq, tassani sulisut paarlakaajaallutik ullumik aqqissuisarput, ataqatigiinnerup, attaveqatigiinnerup suleqatigiinnerullu annertusarnissaanut Ilaqutariinnut kiffartuussivimmi sulisut aggersarneqartarlutik.

Antropologingorniaq suliffimmik misiliilluni aallartimmat, innuttaasut sullinneqartarnertik qanoq misigisarneraannut pingaarnertut suliaqassasoq Atugarissaarnermut pisortaq Marie Hoffmann-imut isumaqatigiissuteqarpoq, allannguissamut pitsanngorsaanissamullu suleriesissamik suliaqarnissamut tamanna pingaaruteqarmat.

Kommunip Facebook-imi quppernera atorlugu suliffimmik misiliisoq ussasaarivoq kiisalu sullissisut sullitami misissuinnermut peqataarusunnersut aperisarsimallugit? – matumunnga Marie Hoffmann innuttaasunik aqqanilinnik innersuussutinik saaffiginnissutinillu apersorneqarusuttunit pissarsisimalluni.

Innuttaasut amerlanerit ataatsimut isigalugu kommunimit sullinneqarnerminnik naammagisimaarinnittuusut, suliffimmik misiluusup allattugaatimini allaaseraa, soorluttaaq maannakkut kommunimut, sullissisuminnut naammagittaalliortarfimmullu tatiginninnerminnik oqariartuuteqarlutik. Taamaattorli matumuuna oqaatigineqareersutut ajornartorsiunik peqarpoq.

Ilaquttami qanigisami meerartaat pillugit kommunimut saaffiginnissuteqarnerminni akissutisineq ajorneraq ajornartorsiutit ilagaat. Ajornartorsiutit ilaat tassaapput, sulisinnaassutsimi appasinnerat, pikkorissarissamut periarfissaqarneq, timikkut sungiusarneq kiisalu eqqarsartaatsikkut oqaatsinik atuartinneqarneq pillugu saaffiginnissuteqartarnerat. Eqqaaneqarportaaq, innuttaasut nammineq oqarnerattut, ukiup affaata ilivitsullu iluani uteqattaarisumik arlaleriarlutik saaffiginnissuteqartarsimasut. Eqqaaneqarportaaq, pisariaqanngitsumik sivitsorsaanerit ingerlneqartartut innuttaasunit misigineqartartoq, aammalu imminerminnut suliap qanoq killinneranut paasissutissiissutit amigartut. Innuttaasup sullissisuni naapilernerit tamaasa nutaamik immersuisarluni nassuiaavoq, allallu suliap aallaqqaataaneertuarneranik misigisimasarlutik oqarput. Ikorsiiniutit angerlarsimaffimmi ikiortikkoorlugit imaluunniit allatigut agguataarneqartarnissaat innuttaasumit siunnersuutigineqarpoq, taamaalillutik sullissisut piffissaasuareerlutik piffissamik asuli atuisassanngikkaluarput.

Ajornartorsiutinut atatillugu suliffimmik misiliisoq ima innersuussuteqarpoq;

- Sulisut suliasaminnut akisussaaffimmik tigusissasut, aammali suliakkersorneratigut artukkerneqassanngitsut.
- Sulisut suliaannik oqilisaassiniarluni, suleriutsinik allanngortiterisoqassasoq pitsanngorsasoqarlunilu
- Sulisut atugarissaarnerat aamma ukkatarineqassasoq, sulisummi akornanni uippakajaalernerit napparsimasutullu nalunaarutiginninnerit ilungersulersitsisarmata

Tamatuma saniatigut immikkoortortami 2018-imi marsimi Tigooraavittut aqqiissut atuutilersumik, aqutsisunit nalilersuiffigineqarpoq, inernilimmik sullissinissaq anguniarlugu sullissinerup qaffasissusaanik pitsanngorsaanissaq siunertarinerarluni, innuttaasummi arlaqartut

oqaloqatiginninnissamut imaluunniit ikiorneqarnissamut qaammatit marluk-pingasut angullugit utaqqisinnaasarnikuusimmamata.

Immikkoortuni akimortumik suleqatigiinneq kiisalu Tigooraavimmi ataatsimut akisussaassuseqarneq pillugit ataavartitsinissamut immikkoortortami aqutsisooqatigiit ataatsimiittarsimapput, Sammisqaartitsinernilu annertunerusumik nassuiaasoqareernerani, sulisut akisussaaffimmik pisussaaffimmi tigusipput, tamatuma kinguneraa immikkoortuni tamani sullissisut tigooraavimmiittalerput ullormullu saaffiginnissutaasunik sullissisalerlutik. Systemilersuisoqarnikuuvoq, taamaalilluni tamat assigiimmik paasinnissinnaallutik, aammalu immikkoortut akimorlugit ullormut ingerlatsinermik akisussaaqataallutik.

Immikkoortortami siunertarineqarlunilu pingaartinneqartoq tassaavoq, innuttaasut immikkoortortatsinnit aninerminni naammagisimaarinnissasut imaluunniit apeqqutigisaminnik akissutisisimassasut. Tamannalu ima isumaqarpoq, sulisut namminneerlutik innuttaasunut qanoq pissusilersorsimanerminnik aammalu attaveqatigiinnerup qanoq ingerlasimaneranik eqqumaffiginnissasut. Tamatuma saniatigut kukkusumik sullissisoqarsimaneranik maluginniartoqarsimappat, kukkussutaasup aaqqinneqarnissaa siunertaralugu, sulisoq kinaluunniit suleqatiminut utertitsiffiginnissinnaassasooq isumaqatigiissutigineqarpoq

Atuilluartuunissakkut kingunerisinnaasai

Sulisut atugarissaarnerat sulianillu naammassinnittanerat attatiinnarnissaat atuilluartuuneruvoq, soorluttaaq attaveqatigiinnermut, sullissinnermut, oqaloqatiginninnermut piginnaasanik ineriartortitsisumik ataavartumik pikkorissaanernik ingerlatsisarnissaq, taamaalillutik innuttaasut tusaaneqartutut paasineqartutullu misigisimalissallutik, aammalu sullissineq naapertuuttumik ingerlanneqalissalluni

Aningaasaqarnikkut allaffissornikkullu kingunerisinnaasai

Tamanna pikkorissaanermut aningaasartuutitut ilassutitut aningaasaliissutinik qinnuteqarnissamik kinguneqassaaq, sulisut piginnaasaannik ineriartortitsiniarluni 160.000 koruunit aningaasaliissutaasimasut naammangimmata, aningaasaliissutimmi atorlugit pikkorissaasoqassappat, pikkorissaanerit amigassapput

Allaffeqarfiup naliliinera

Aqutsisut naliliipput, pitsanngorsaanissamut allannguinnissamullu sulisut pimoorussinerat soqutiginninnerallu pingaaruteqartorujussuaq, sulisunullu assigiinnigitsunik isummerfeqartunik pissusilersuuteqartunillu sapinngisamik amerlanerpaanut pitsaalluinnartumik nassuiaasoqarnissaq pisariaqarpoq, taamaattorli Atugarissaarnermut immikkoortortami aqutsisooqatigiit siunertamut, anguniakkanut aammalu ingerlatsinnermut sulisunik akuutitsinissamut iluatsittumik ingerlatsisimapput, taamaalilluni sulisut suliamut kivitseqataasinnaatillugit

Innuttaasut naammagisimaarinerat pillugu misissuinerup malitseqartinnissaa, sapinngisamik akissutit amerlanerusut pissarsiariniarlugit, aqutsisunit pilersaarutaavoq, taamaaliornikkut ajornartorsiutaasinnasut suut takunnitsoorneqarsimanersut aammalu immikkoortortami innuttaasunik sullissivimmi allannguinnissamut pitsanngorsaanissamullu qanoq iliortoqarsinnaaneranik, aqutsisut takunnilluarsinnaalissallutik, apersuinerimmi aqqaniliusut immikkoortunut aalajangersimasunut taamaallaat tikkuussipput, tamannami aamma ajunngilaq

Sulisut atugarissaarnissaat pingaaruteqarpoq, suliffimminnillu nuannarinninnikkut sunnuteqarnerussalluni, innuttaasut saaffiginninnerini sullissinerup ukkatarineqarnerata attatiinnarnissaata saniatigut, tamanna aqutsisooqatigiinnit ataavartumik ingerlatseqqinneqarniarpoq Immikkoortortami ineriartortitseqqinnissamut suliniutit taakku aallarniutaapput, aqutsisooqatigiinnit ingerlatseqqinneqarniarlut

Innersuussut

Atugarissaarnermut immikkoortortaqrarfiup innersuussutigivaa Atugarissaarnermut ataatsimiititaliamut:

1. Paasissutissiissut tusaatissatut tiguneqassasoq

Aalajangiineq

Tusaatissatut tiguneqarpoq.

Ilanngussat

1. 2020-mi novembarimi Sammisaqartitsinermi allaaserisat
2. 2021-mi maajimi Sammisaqartitsinermi allaaserisat
3. 2021-mi aggustimi Sammisaqartitsinermi allaaserisat
4. 2021-mi juunimi innuttaasunik naammagisimaarinninnerat pillugu misissuinermit atatillugu Antropologinngorniap allaaserinninnera

08. Tamalaat

Imm. 8.1 Tamalaat

Soqanngilaq.